

Рождество Пресвятой Богородицы

8/21 сентября

Тропарь праздника:

Рождество Твое, Богородице Дево, радость возвести всей вселенной: из Тебе бо возсия Солнце Правды, Христос Бог наш, и, разрушив клятву, даде благословение, и, упразднив смерть, дарова нам живот вечный.

Песнь I

Канон первый праздника, творение кир
Иоанна. Глас 2:

Ирмос: *Грядите, людие, поим песнь Христу Богу, разделъшему море и наставльшему люди, яже изведе из работы египетския, яко прославися.*

Грядите, вернии, Духом Божественным радуящися, Юже от неплодове днесь пришедшую человеков на спасение Приснодеву Отроковицу песнями почтим.

Радуйся, Чистая, Мати и Рабо Христа Бога, Яже первому Ходатаица блаженству, человеческого род, Тя вси достойно песнями славим.

Жизни раждается днесь мост, имже человецы, воззвание падения, еже от ада, об-

ретшии, Христа Живодавца песньми прославляют.

Второй канон праздника, творение
Андрея, глас 8:

Ирмос: *Сокрушившему брани мышцею Своею и прошедшему Израиля сквозе Чермное море поим Ему, яко Избавителю нашему Богу, яко прославися.*

Да ликовствует вся тварь, да веселится же и Давид, яко от колена и от семене его произыде жезл, Цвет носящи, Господа, Творца всяческих.

Святая Святых, во святем святилици Младенец возлагается воспитатися от руки Ангеловы. Все убо верно спразднуим в рождестве Ея.

Неплоды нераждающая Анна, но не безчадна Богу: се бо пронаречесе от родов Чистая Дева Мати. Темже естества израсти Зиждителя в рабии образе.

Тя, незлобивую Агницу, Агнца Христа Младенца от чрева Твоего приведшую в наше существо, все от Анны рожденную Тя песньми почитаем.

Троицен: Три Безначальна славлю, Три Свята пою, Три Соприсносушна в Существо Едином проповедую: Един бо во Отце, и Сыне, и Дусе славословится Бог.

Богородичен: Кто виде Отроча, Егоже не вся Отец, млеко питаемое? Или где видена бысть Дева Мати? Истинно паче ума обоя, Богородительнице Чистая.

Катавасия: *Крест начертав Моисей, впрямо жезлом Чермное пресече, Израилю пешеходящу, тоже обратно фараоновым колесницам ударив совокупи, вопреки написав непобедимое оружие. Тем Христу поим Богу нашему, яко прославися.*

Песнь 3

Первый канон праздника:

Ирмос: *Утверди нас в Тебе, Господи, Древом умерщвлей грех, и страх Твой всади в сердца нас, поющих Тя.*

Непорочно Богу пожившии, всех родисте Спасение, богомудрии родителе Зиждителя Рождшия и Бога нашего.

Всем жизнь источаяй Господь от неплодове произведе Деву, в Нюже вселитися изволи, и по Рождестве сохранив нетленну.

Аннин плод, Марию, днесь, Грозд рождшую живоносный, яко Богородицу воспоим, Предстательницу же всех, и Помощницу.

Второй канон праздника:

Ирмос: *Утвердися сердце мое во Господе, вознесся рог мой в Бозе моем, расширишася на враги моя уста моя, возвеселихся о спасении Твоем.*

Воспитавшиися во Святая Святых, Дево Пречистая Богородице, вышши явилася еси твари, Зиждителя плотию породши.

Благословенно чрево твое, целомудренная Анно, плод бо израстила еси девства, Юже безсеменно Питателя твари рождшую и Избавителя Иисуса.

Тя блажит, Приснодево, вся тварь, от Анны днесь рождшуюся, от корене Иессеева жезл, пречист цвет, Христа, израстившую.

Тя вышшую всея твари, Богородице, показуя, Чистая, Сын Твой, еже от Анны величит Твое рождество и всех веселит днесь.

Троицен: Тебе покланяемся, Отче, Безначальне Существом, поем Безлетнаго Сына Твоего и чтем Соприсносущнаго Духа Твоего, яко Единаго Трое естеством Бога.

Богородичен: Светодавца и Начальника жизни человеческия рождающая, Чистая Богородице, явилася еси сокровище жизни нашея и дверь неприступнаго Света.

Катавасия: *Жезл во образ тайны приемлет-ся, прозябением бо предразсуждает священника; неплодящей же прежде Церкви, ныне процвете Древо Креста, в державу и утверждение.*

Седален праздника:

Дева Мария и Богородица истинно, яко облак света, днесь возсия нам и от праведных предгрядет в славу нашу. Не ктому Адам осуждается, и Ева от уз свободися, и сего ради зовем, вопиюще со дерзновением единой Чистой: радость возвещает рождество Твое всей вселенней.

Песнь 4

Первый канон праздника:

Ирмос: *Услышах, Господи, слух Твоего смотрения и прославих Тя, Единое Человеколюбче.*

Воспеваем Тя, Господи, верным спасительное пристанище подавашаго всем, Тебе Рождающую.

Тя, Богоневесто, похвалу всем Христос яви и державу поющим верно Твое таинство.

Неискусобращная Владычице, Твоими молитвами избавляеми прегрешений, благо-разумно вси Тя ублажаем.

Второй канон праздника:

Ирмос: *Пророк Аввакум умными очима провиде, Господи, пришествие Твое, тем и вопияше: от юга приидет Бог. Слава силе Твоей, слава низхождению Твоему.*

Патриарх Иаков, провидев, Спасе, величия ясно строения Твоего, вопияше Духом, ко Иуде глаголя тайно: от леторасли возшел еси, Сыне мой, возвещая Тя от Девы Бога.

Ныне жезл Ааронов, от корене Давидова прозябший, ныне Дева Чистая происходит, и сликовствует Небо и земля, и вся отечества языков, и Анна и Иоаким таинственно.

Ныне да веселится Небо, да радуется же земля, и да ликует Иоаким и Давид: ов убо яко родитель Твой, истинно рождшия Бога, ов же яко праотец Твой, проповедавая Твоя величества, Чистая.

Срадуется Тебе днесь, богомудренная Анно, вселенная: Избавителя бо тоя Матерь процвела еси, Юже от корене прозябшую Давидова, жезл силы, нам носящую Цвет, Христа.

Троицен: Славлю Безначальна Бога, Отца и Сына и Святаго Духа, Единосущную Троицу Несозданную, Ейже предстоят Серафими благоговейно, зовуще: Свят, Свят, Свят еси, Боже.

Богородицен: Пребезначальное Начало начало приемлет из Тебе, Богородительнице, плотским временем и пребывает собезначально и воплощся Слово Отчее и Духу соприсносущное, сохраняя Божественное достоинство.

Катавасия: *Услышах, Господи, смотрения Твоего таинство, разумех дела Твоя и прославих Твое Божество.*

Песнь 5

Первый канон праздника

Ирмос: *Сеннописанный мрак гаданий разорив и верных прибытием истины, Богоотроковицею,*

озарив сердца, и нас светом Твоим, Христе, настави.

Воспоим, людие, всех вину сущаго по нам быти Виновнаго: Еяже образу радовахуся сподобляеми пророцы, явленное спасение от Тоя плодяще.

От суха прозябение жезла иереева Израилю показа проразсуждение, и ныне светлость прозябших преславно светит, от неплодове всеславное рождение.

Второй канон праздника:

Ирмос: *Господи Боже наш мир даждь нам, Господи Боже наш, стяжи ны, Господи, разве Тебе иного не вемы, Имя Твое именуем.*

Пречистое Твое рождество, Дева Непорочная, несказанное, и зачатие неизглаголанно, и рождение Твое, Невесто неневестная, Бог бо бе, весь в мя облекийся.

Днесь да веселятся ангельстии чини, песньми да ликуют сущии из Адама: родися бо жезл, Цвет возрадивший, Христа, Единаго Избавителя нашего.

Днесь Ева разрешается осуждения, разрешается же и неплодство, и Адам древняя клятвы о рождестве Твоем, Тобою бо от тли избавихомся.

Слава Тебе, Прославльшему неплодную днесь: роди бо жезл присноцветущий от обещания, от негоже прозябе Христос, Цвет жизни нашея.

Троичен: Слава Тебе, Отче Святыи, Боже Нерожденне; слава Тебе, Сыне Безлетне, Единородне; слава Тебе, Душе Божественный и Сопрестольный, от Отца исходяй и в Сыне пребываяй.

Богородичен: Бысть чрево Твое Солнца носило, пребысть чистота Твоя, якоже прежде, неврежима, Дево, Христос бо Солнце, яко от чертога жених, явился из Тебе.

Катавасия: *О треблаженное Древо, на немже распяся Христос, Царь и Господь, Имже паде древом прельстивый, тобою прельстився, Богу пригвоздившуся Плотию, подающему мир душам нашим.*

Песнь 6

Первый канон праздника:

Ирмос: *Ко Господу от кита Иона возопи: Ты мя возведи из глубины ада, молюся, да яко Избавителю, во гласе хваления, истины же духом пожру Тебе.*

Ко Господу в скорби неплодства возопиша Богоматере богомудрии родители и Сию в роды родов родиша, на общее спасение и похвалу.

Прияша Небесный дар от Бога достоин Богоматере богомудрии родители, самех Херувимов превышшее носило, Слова и Зиждителя Родительницу.

Второй канон праздника:

Ирмос: *Яко воды морския, Человеколюбче, волнами житейскими обуреваюся, темже, яко Иона, тако вопию Ти: возведи от тли живот мой, Благоутробне Господи.*

Святую Святых сущу, целомудреннии родители Твои, Чистая, возложиша Тя в храме Господни воспитатися честно и уготоватися в Матерь Ему.

Неплоды и матери, ликуйте, дерзайте и играйте, безчадныя: безчадна бо неплоды Богородицу прозябает, Яже избавит от болезней Еву и клятвы Адама.

Слышу Давида, поюща Тебе: приведутся девы во след Тебе, приведутся в храм Царев. И с ним Тя и аз, Дщерь Цареву, воспеваю.

Поем святое Твое рождество, чтим и непорочное зачатие Твое, Невесто Богозванная и Дево; славят же с нами Ангелов чини и святых души.

Троичен: В Тебе Троическое таинство поется и славится, Чистая: Отец бо благоволи, и Слово вселися в Тя, и Божественный Дух Тебе осени.

Богородичен: Златая кадилница была еси, Огнь бо во утробе Твоей вселися, Слово от Духа Свята, и человеческим зраком в Тебе видеся, Богородительнице Чистая.

Катавасия: *Воднаго зверя во утробе, длани Иона крестовидно распротер, спасительную страсть проображаше яве. Тем тридневен изшед, премірное воскресение прописаше, плотию пригвожденнаго Христа Бога, и тридневным воскресением мїр просвещашаго..*

Кондак праздника:

Иоаким и Анна поношения безчадства и Адам и Ева от тли смертныя свободистася, Пречистая, во святем рождестве Твоем. То празднуют и людие Твои, вины прегрешений избавльшеся, внегда звати Ти: неплоды раждает Богородицу и Питательницу Жизни нашея.

Икос праздника:

Молитва купно и въздыхание неплодства и безчадства Иоакима же и Анны благоприятное и во уши Господни вниде, и прозябе плод живоносен миру. Ов бо молитву на горе творяше, ова же в саде поношение ношаше, но с радостию неплоды раждает Богородицу и Питательницу Жизни нашея.

Песнь 7

Первый канон праздника:

Ирмос: *Купина в горе огненеопальная и росоносная пещь халдейская яве предписа Тя, Богоневесто, Божественный бо невестественный в вещественном чреве Огнь неопально прияла еси. Темже из Тебе Рождшемуся поем: благословен еси, Боже отец наших.*

Твое в вещественных явлениях законоположник возбранися разумети и великое, Пречистая, таинство, не мудрствовати земноревностная образно наказуемь иногда. Темже, удивлься чудеси, глаголаше: благословен Бог отец наших.

Гору и дверь Небесную и мысленную Тя лествицу боголепно лик божественный про-

нарече, от Тебе бо Камень отсечется не руками мужескими, и дверь, Еюже пройдет Господь, Иже чудес Бог отец наших.

Второй канон праздника :

Ирмос: *Халдейская пещь, огнем распалаемая, орошаешся Духом, Божиим предстоянием, отроцы пояху: благословен еси, Боже отец наших.*

Празднуем, Чистая, и верно покланяемся святому Твоему Рождеству, поюще Сына Твоего, Имже избавихомся древняго Адамова ныне осуждения.

Ныне Анна веселится и вопиет, хвалящися: неплоды сущи, родих Божию Матерь, Еяже ради осуждение Евино разрешися и яже в печалех болезнь.

Адам свободися, и Ева ликует, и вопиют духом к Тебе, Богородице: Тобою избавихомся первородныя клятвы, явльшуся Христу.

О чрево, вместившее Божие селение! О утробо, носившая Небес ширшую, престол святей, мысленный кивот священства!

Троицен: Отца прославим, Сына и Духа, во Единстве Божества, Троицу Пресвятую, Нераздельную, Несозданную, и Соприсносущную, и Единосущную.

Богородичен: Ты Бога едина родила еси, Дево, преславно, Ты естество обновила еси Рождеством Твоим, Марие, Ты Еву разрешила еси первородныя клятвы, Богородительнице Чистая.

Катавасия: *Безумное веление мучителя злочебиваго люди поколеба, дышущее прещение и злохуление богомерзкое: обаче три отроки не устраши ярость зверская, ни огонь снедаяй, но противодышущу росоносному Духу, со огнем суще пояху: препетии отцев и нас Боже, благословен еси.*

Песнь 8

Первый канон праздника:

Ирмос: *В нещи отрочестей прообразил еси иногда Твою Матерь, Господи, образ же Сия из огня изымаше неопально входящая, Юже поем, явльшюся Тобою концем днесь, и превозносим во вся веки.*

Яже к Богу нашего примирения predeterminedенная скиния еже быти ныне начинается, имущи родити Слова, нам дебельством Плоти явльшася, Егоже поем, из не сущих во еже быти Тем приемшии, и превозносим во вся веки.

Неплодства преложение мирское благих разреши неплодство и ясно чудо Христа показа, к земным пришедша, Егоже поем, из не сущих во еже быти Тем приемшии, и превозносим во вся веки.

Второй канон праздника:

Ирмос: *Покрываяй водами превыспренняя Своя, полагаяй морю предел песок и содержи вся, Тя поет солнце, Тя славит луна, Тебе приносит песнь вся тварь, яко Содетелю всех во веки.*

Сотворивый преславная неплодней утробе, отверзый Анны нераждающая ложесна и плод ей дав, Ты, Боже Святой, Ты, Сыне Девы, Ты от Сея Плоть приял еси, присноцветущия Девы и Богородицы.

Затворяяй бездну и отверзаяй ю, возносяй воду во облацех и даяй дождь, Ты, давый, Господи, от неплоднаго корене прозябнути Анны святая пречист плод и родити Богородицу.

Делателю мыслей наших и Насадителю душ наших, Ты, неплодную землю благоплодну показавый, Ты древле сухую родовиту, благокласну, бразду плодоносну соделал еси Анну святую, пречист плод израсстити, Богородицу.

Приидите, вси узрим, яко от чертога мала,
Божий град, ныне раждаемый, иже от двери
утробных исход имущую, вход же не ведущу
общения: Един Бог Зиждитель Сею пройде
стезею странною.

Троицен: О Троице Пресушная, Единице
Собезначальная! Тя поет и трепещет мно-
жество Ангел, Небо и земля и бездны ужа-
саются, человецы благословят, огонь рабо-
тает, вся послушают Тебе, Троице Святая,
со страхом, яже в твари.

Богородицен: О новейшаго слышания: Бог
Сын Жены! О безсеменнаго Рождества!
Безмужныя Мати и рожденное Бог! Оужас-
наго видения! О зачатия страннаго Девы! О
несказаннаго Рождества! Истинно паче ума
вся и видения

Катавасия: *Благословите отроцы, Троицы
равночисленнии, Содетеля Отца Бога, пойте
снизшедшее Слово, и огонь в росу претворшее, и пре-
возносите всем жизнь Подавающаго, Духа Всесвя-
таго, во веки.*

Песнь 9

Первый канон праздника:

*Припев: Величай, душе моя, преславное рождество
Божия матери*

Ирмос: *Яже прежде Солнца Свительника Бога
возсияваго, плотски к нам пришедшаго, из боку
Девичу неизреченно воплотившая, Благословенная
Всечистая, Тя, Богородице, величаем.*

Иже непокоривым людям из камене источив воду, благопокоривым же языком дарует от чресл неплодных плод на веселие нам, Тя, Богомати Пречистая, Юже достойно величаем.

Напраснаго древняго Отъятельница осуждения и праматере исправление, Юже рода к Богу вину присвоения, к Зиждителю мост, Тя, Богородице, величаем.

Второй канон праздника:

Припев: Величай, душе моя, от неплодове родшующя Деву Марию

Ирмос: *Чужде матерем девство, и странно девам деторождение: на Тебе, Богородице, обоя устроишася. Тем Тя, вся племена земная, непрестанно величаем.*

Достойное, Богомати, Твоя чистоты рождество наследовала еси чрез обещание: иногда бо неплодней богопрозябен плод вдалася еси. Тем Тя, вся племена земная, непрестанно величаем.

Исполнися вопиющаго пророчество, глаголет бо: возставлю скинию падшую священнаго Давида, в Тебе, Чистая, прообразившюся, Еяже ради всех человеков персть в Тело создася Божие

Пеленам покланяемся Твоим, Богородице, славим Давшаго плод прежде неплодней и Отверзшаго ложа не раждающей преславно. Творит бо вся, елика хочет, Бог сый самовластен.

Яко дар Тебе, Богородице, песнопение, от Анны рождшейся, верно дароносим: матери Матерь, девы же Деву едину, славословяще, покланяемся Тебе, поем и славим.

Троичен: Чужде есть беззаконным славити Безначальную Троицу, Отца, и Сына же, и Святаго Духа, несозданное Вседержавство, Еюже мир весь содержится манием державы Ея.

Богородичен: Вместила еси во утробе Твоей, Дево Мати, Единого от Троицы, Хри-

ста Царя, Егоже поет вся тварь и трепещут
вышнии чини: Того моли, Всечистая, спа-
стися душам нашим.

Катавасия: *Таин еси, Богородице, рай, невоз-
деланно возрастивший Христа, Имже крестное
живоносное на земли насадися Древо. Тем, ныне
возносиму, покланяющесе ему, Тя величаем..*

*Снедию дрѣва рѣду прибѣвшая смерть/ Крестѣм
упразднѣся днесь,/ ѡбо праматерняя всерѣдная
клятѣва разрушѣся/ прозябѣнием Чѣстныя Богомат-
тере, // Юже вся Сѣлы Небѣсныя величѣют.*

Светилен праздника:

От неплодныя днесь Анны цвет произыде,
Богородица, вся благовония Божественна-
го исполняющи концы мира и радости всю
наполняющи тварь, Юже поюще, достойно
восхваляем, яко сущу земнородных превы-
шшую.

Слава, и ныне

Адаме, обновѣся, и Ева, возвелѣчися,/ про-
рѣцы, со апѣстоны ликуйте и праведными,/
ѡбщая бо радѣсть возсѣя, Ангелов же и че-
ловѣков // от праведных днесь Иоакѣма и
Анны, Богорѣдица Марѣя.

Стихиры праздника:

О, дивнаго чудесе! Источник Жизни от неплодныя раждается, и благодать плодородити светло начинается, веселися, Иоакиме, Богородицы быв родитель: несть ин, якоже ты, земнородных родителей, богоприятне: боговместимая бо Отроковица, Божие селение, пресвятая гора тобою нам даровася.

О, дивнаго чудесе! От неплодове плод возсия мановением всех Содетеля и Вседержителя, доблественно мирское благих разреши неплодство. Матери с материю Богородичною ликуйте, зовуще: Обрадованная, радуйся, с Тобою Господь, подай миру Тобою велию милость.

Столп целомудрия одушевлен и светлое приятелище, блистающеся благодатию, Анна благославная явльшися, породе забрало воистинну девства, Божественное процветение: Яже всем девственным и девства желающим дарование, девства доброту яве подающую, и дарующую всем верным велию милость.

Сей день Господень, радуйтесь, людие: се бо Света чертог и книга Слова Животнаго из утробы произыде, и Яже к востоком дверь, рождшися, ожидает входа Святителя великаго, едина и Единого вводящи Христа во вселенную, во спасение душ наших.

Слава, и ныне: тоже.